



Châng thlan: *Thufingte 9:10.*

Zirlâite tân:

Hriat tûr: Pathian Thu hian finna min pe a, chu Thu chuan zawm a hlawhin Pathian mite zîngah inremna a lo thleng thîn a ni tih an hria ang.

Vei tûr: Pathianin a Thu-a a duh dân a ziah chhuahte hi mi mal taka hriat a tûl a ni tih an hrethiam ang.

Tih tûr: Mahni ngaiha thil tha nia an hriatte ni lovin, Pathian Thu zâwk chu zâwm tûrin rilru an siam fel ang.

THUPUI THEN

I. Hriat tûr: Thuâwihnain inpumkhatna a siam thîn

- A Eng tiangin nge Thufingte bung 4 leh 9 hian finna awmzia a hrilhfiah?
- B Deuteronomi 28:1–14-a malsâwmna chi hrang hrang kan hmuhte zîngah hian inpumkhatna chungchâng sawi lan a ni ve chiah lo va. Amaherawhchu, hêng thute-a a eng lâi hian nge Pathian Thu zawm chuan inpumkhatna a thlen thîn a ni tih lam hawi sawi tho le?
- C Eng tiangin nge Pathian Thu anga awmna chuan inremna a thlen? Eng tiangin nge Korin khuua mite hnêna Paula thurâwn hian chu zawhna chu chhâng thei tûrin a puieh che?

II. Vei tûr: Pathian thiltum hriatthiam a tûl

- A Enga ti nge Rehoboama khân a thiante thurâwn kha âwihawm a tih êm êm?

- B I thutlûkna siam chu i tâna Pathian ruahman ni ngeia hriat tlat tum i nei ve tawh em? Chu i thutlûkna siam rah chhuah chu eng nge ni?
- C Tûnlâi kohhran kalphungah hian mi malin Pathian ruahman a hriatthiam dân hi ngaih pawimawha kan neih tâk fona chhan eng engte nge awm?

I. Tih tûr: Pathian duh dân chu zui rawh

- A Eng tin nge keimahni'n kan duh ve sa rêngte leh Pathian duh dân chu kan hriat hran theih ang?
- B Pathian duh dân chu eng nge ni chiah tih hre lo ta la, i hriat theihna tûrin eng kawngte nge i zawh ang?

KHÂIKHÂWMNA: Pathian Lehkhabu-a mi tu tute emaw chanchin kan hmuh aţang hian Pathian duh dân rinawm taka ţawmpuina chuan Pathian mite zîngah inpumkhatna leh inremna a thlen a ni tih kan hmu thei a. Chutih rual chuan thuâwih lohna leh mahni ţa tih zâwng zui tum tlatna hian inpumkhatna a tichhe ve thung ţhîn a ni.

INZIRTÎR DÂN TÛR

RAHBI 1—Chawk phûr rawh

Bible châng thlûr bing tûr: *Thufingte 9:10*

Thlarau ţhanna atâna thu pawimawh: *Mihringten keimahni mi mal ngaihdâna ţa nia kan ngaih tih kan tumna hian inremlohna thlenin kan inpumkhatna pawhin a chhiat phah fo bawk. Kristiante chuan he thang hlauhawm tak hi Pathian Thu, a bîk takin chanchin ţa laimû ber Krista chungchâng sawina thutea finna awmte hmang hian an pumpelh thei a ni.*

ZIRTÎRTÛTE TÂN BÎK: Mi mal ngaihdân hian thil ţa kan kan tihna tûr kawng a dâl ve fo mai. I class member-te hnênah khân thurâwn ţa leh rin tlâk âia mi mal ngaihdân leh âwn sa lam kan neihte kan zui zâwk hian harsatna kan tawh phah ţhîn a ni tih hrilhfiah ang che.

A sawi hawn nân: Kum 2015 May thla khân ruah nasa taka a sūr avângin Australia ram khawpui pakhat, Brisbane hmâr lamah chuan tui a lian vak mai a. Emergency service mi leh sate chuan tuilian chu motor hmang pawha kal kâi chî a nih loh thu puang châmchî mah sela, mi tam tak chuan an thurâwn chu an ngaihsak lêm lo. Mi thenkhat chuan an kawng zawh thina tui tling chu a thûk vak ngâi hleinêm tiin an inkhalh chhuah theih mai an ring a.

He lâi vêl hi chu an hre chiang ve tâwk a, chuvâng chuan inkhalh kâina lâi tûr chu hre tûrah an inngâi a ni ber mai. Nimahsela, rîkrûm thilah chuan mahni lo hriat dân leh rin dân ang ngawtin thil a kal thei si lo. Hêng mite pawh hian anmahni ngaihdân dik lo tak chu an zawm zâwk avângin an motor (car) chu tuilianin a lâ a, mi panga ngawtin nunna an chôn phah ta nghe nghe baw a ni. Mi dangte pawh chuan nunna êm chôn ta lo mah se, tuilianin a len bo mai lohna tûrin chhanchhuah thuai an ngâi a ni tih an inhre hlawn ta baw.

Sawi ho tûrte: A chûnga thawnthu kan han sawi tâk hian thurâwn thain ngaihthah a hlawnna chhan pahni a târ lang a. Hetiang huna miten thurâwn tha leh zawm âwm tak ni si an ngaihthah tlat chhan dang eng engte nge awm? Miten thu dik ni si an ngaihthah chhan hrang hrangte hi eng tin nge i sawifiah ang?

RAHBI 2—Zawng chhuak rawh

ZIRTÏRTÛTE TÂN BÏK: Bible-ah hian duhthlanna dik lo fê fê siamtute chanchin kan hmu hnem khawp mai; chutih rual chuan, duhthlanna dik leh tha zâwk kan siamna tûr chhan pawh min pe tam hle baw. I class member-te kha duhthlanna siam kawnga Pathian râwn thîn a pawimawhzia leh, duthlanna dik lo siamin nghawng a neihte hrethiam tûrin tanpui ang che.

ZIR ZÂUNA

I. Mihringte ngaiha thil dik leh thil dik lo (*Rorêltute 17:6 leh 1 Lalte 12:1–16.*)

Josua bu hi kum 40 chhûng zet thlâlêra lo khawsa tawh Abrahama thlahten a tâwp a tâwpa ram tiam an thlen tâk avânga an lâwmna leh beiseina thu-in a khat a. Israel mite khân Pathian thil tihte chu mak leh ropui an tih êm avângin kumkhuaa Pathian rawngbâwl tawh an intiam a, an thuthlung thutiamte pawh an tithar leh bawk.

Nimahsela, Rorêltute bu tîr lam kan chhiar chuan an rilru an thlâk chawpchilh leh nghâl mai si a ni tih kan hmu. Rorêltute bu hian Israel-ten hnam dangte rûn an tawh thîn dân leh anmahni zîngah pawh inbeih tawna a thlen fo thu târ langin, chutiang kêra hnam anga an lo din chhuah chhoh tâk dân min hrilh a. Ram tiam an thlen tirha an hlimzia leh a thlarau lam tak pawha an thil tawn sâng tak takte khân hmânlâi an chang zo ta; tûnah chuan Pathian ngaihsak lohna leh ualâu taka kalsualnain a chîm hneh hle tawh mai. Josua hruaina hnuaiah khân Pathian rawngbâwlin Pathian thiltih ropui tak tak hmutute kha chu dam chhuak tho mah se, chhuan thar zâwkte khân Pathian an hre lo va, Israel hnam tâna Pathianin thil a tih tawhte kha a awmzia an hrethiam hek lo (*Josua 24:31, Rorêltute 2:7–10*).

Chutiang hriatna chu a neih tawh miao loh avângin Pathian dân hmanga ram hruai an tum lo va, anmahni ngaiha dik leh tha chu an ti hmiah hmiah zêl ta mai a ni. Chumi nghawngte chu a chhe hle mai: Pathian mite nun chu a hniam a ngawih ngawih a, a hnam ang pawhin an intêlkhâwm hlei thei ta lo, hmun hrang hrangah dân bawhchhiatna leh helna a thleng ta bawk.

Rorêltute chanchin kan chhiar chuan Israel faten thil sual an ti a, chumi avâng chuan an vêla awm hnam dangte thuhnuaiah an kûn a, chutichuan Pathian hnênah tanpuina dîlin an âu a, an âu thâwm chu Pathianin lo hriain a

chhanchhuak ta a; mahse a hnu rei lo tê-ah thil sual bawk an ti zui leh ðîn a ni tih kan hmu thei ang. Chutiang chuan an hmêlmate lak aţangin Pathianin a han chhanchhuak tê tê a; mahse a thiltih chu an theihngihl zui leh ta mai ðîn a ni.

Kum za emaw ti hnu vêlah Solomona fapa Rehoboama chu Israel lal arawn ni a. Davida leh Solomona-te kha chuan Pathian dân zâwm mah se, mipuite kha chuan anmahni kawng zawha an duh dân thil tih an châk tlat reng tho. Rehoboama pawhin a pa thil lo tih dân chu a chhunzawm zêl dân nge, ama kawng zawh a thlang zâwk dân tih thu-ah duhthlanna a siam thuai a tûl a. Duthlanna siam tûra ni thum a inngaihtuah chhûng hian a pa khâwnbâwlte leh ama rualpui, a ðiante chu a râwn tawn ve ve a; mahse Pathian chu a zu râwn ve hauh lo va! A tâwpa thutlûkna a siam chuan mipuite phur a tirit zual hle a, chu chu Pathian mite zînga inthen darhna thlentu a ni ta nghe nghe bawk a ni.

Ngun takin ngaihtuah teh: Israel miten anmahni ngaiha ða nia an ngaih an tih fo ðin chhan kha eng nge ni? He an thil tih dik lo tak mai hi eng tin nge an pumpelh theih ang? Rorêltute 21:24 chhiar la, he lehkhabu ziaktu hian Israel-ten harsatna an tawh mêk chu a sut kian nân lal neihtîr ve mai ða niin a hria niin i ring em? I chhâna chu sawifiah ang che. Eng tiangin nge Rehoboama rorêl hun chhûnga thil thlengte khân lal neih chu Israel-te harsatna tawh sut kianna tûr a nih lohzia a lantîr?

II. Finna hnâr dik tak chu (*Sâm 9:10 leh Jakoba 1:5*)

Rorêltute leh 1 Lalte-a kan hmuh rorêltute leh lal thenkhatten anmahni ngaiha ða nia thil an tih ðin dân ang lo takin Pathian Lehkha Thu chuan finna dik tak chu hmun dang aţanga lo thleng ðîn zâwk a nih thu a sawi a. Thufingte leh Jakoba bute hian Chiang tak maiin finna chu Pathian nêna

inzawm a nihzia an târ lang a ni. Thufingte hian finna chu inlaichinna ang zâwna sawiin a thu sawi lo ngâithlatute chu “Pathian ãih hi finna bul a ni” tih hre tûrin a hrilh a (*Thuf. 1:7*).

Chutiang chiah chuan, Thufingte 9 pawhin “LALPA ãih chu finna bul a ni a, Mi Thianghlîma hriatna [neih] hi hriatthiamna a nih” thu a awi ve leh bawk (*Thuf. 9:10*). Hêng châng pahnihahte hian finna chu Pathian nêna mi an intawwna hmanga nunpui leh hmuh ãhin a nih thu sawi a ni a. Chutiang inlaichinna neih chu finna pêng pawimawh tak a ni bawk. Jakoba erawh chuan Pathian chu finna petu a nihna lam a sawi uar ve thung a (*Jakoba 1:5*).

Pathian thilphalzia leh khawngaihna ngahzia sawiin, a zawngtu apiangte hnênah finna pêk a duh tih min hrilh. Pathian chu thil tawn hrang hranga thutlûkna dik tak kan siam theihna tûra finna min petu angin a sawi a ni.

Ngun takin ngaihtuah teh: Thufingte bûa finna awmzia sawi a nih dân leh Jakobian finna a sawi hi a inkalh niin i hria em? Eng vâng a inkalh emaw, inkalh lo emaw nge ni? Eng tiangin nge hêng ngaihdân pahnihte hi a inkungkaih tawn? Eng vângin nge a pahnih hian a pawimawh ve ve?

III. Thlîr tûr dik chu thlîrin (*1 Korin 1:10–17 leh 2*

Timothea 2:14–19.)

Hmânlâi Korin kha Grik rama sumdâwnna hmunpui tak pakhat niin, tui puia khawmual inkhawh lût lâi taka awm a ni a. Atheni khua aţanga hla vak lova awm a nih avângin Grik mite nun dân leh Rome mite nûn dân inchawh pawlhna hmun a ni a, lawngchawlhna hmunpui a nih avângin thil ãha lo leh sualna chi hrang hrang pawh a hluar hle bawk. Thil mak deuh mai chu he khawpuia kohhran a lo awm ve tlat mai hi a ni. Paula lekhathawnte leh tlâi khaw hnu deuha Clement-a lekhathawn aţang pawhin Korin kohhran hian

harsa lian tak tak an tâwk a ni tih kan hre thei a. Chûng zînga pakhat chu kohhran chhûnga inthen darhna a awm tlat mai kha a ni (*1 Korin 1:10–17*).

1 Korin pum pui kan chhiar chuan an zînga inthen darhna a thlen chhan hrang hrang kan hmu a. Mahse bung 1-na kan hmuh hi chu kohhran member-ten kohhran hruaitute zînga ngaihsân bîk tu emaw an neih hlawm vâng niin a lang. Korin khua ringtute hian an rinna an phatsan ta a ni lo; phatsan ahnehin kohhran hruaitu leh zirtîrtu tu tute emaw laka an rinawmzia huai takin an puang chhuak zâwk a ni. Chuvâng tak chuan Paula hian kohhran hruaitu mihring ve maite chu thlîr lova, an rinna bulpui ber Isua Krista chu thlîr zâwk tûrin a hrilh ta a.

Kristiante chuan hruaitute zui lovin, chapo ve lo leh mi then hrang ve ngâi lo Krsita chu an zui tûr a ni. Inpumkhatna hi Kristianten anmahni phuar khâwm a, inthen hranna thlen thei dâidanna bangte thiattu Isua Krista an thlîr a nih chauhin a thleng thei. Krawsa a thihna kha Pathian thiltihtheihna (*1 Korin 1:18*) leh finna (*1 Korin 1:24*) ni kawp a ni. Chutih lâiin Grik mite leh Rome mite ngaihah erawh chuan kraws thu hi thil âthlâk tak a ni ve thung si.

Ngun takin ngaihtuah teh: Korin khuaa mite lakah hian eng ang inpumkhatna nge Paula hian hmuh a beisei le? Thil eng kima inlungual thap zêl tûrin a beisei em? (*1 Korin 1:10 hi 1 Korin 8:7–13 nêh khâikhin ang che.*) Eng tiangin nge Krista chu kan en hian Paulan a sawi inpumkhatna chu a lo thlen thîn?

RAHBI 3—A taka nunpui tûr

ZIRTÎRTÛTE TÂN BÎK: Pathian finna chu finna azawnga finna tha ber a ni tih pawm mai hi chu awlsam hle mah se, chumi hriatnaina kan nun dân a thlâk danglam chu kan phal leh hlawm tlat thîn si lo a nih hi. I class

member-te hnênah khân Pathian finnain an nun a thlâk danglam an phal loh chhan ngaihtuah tûrin hrilh la. Tichuan Pathian duh dân anga nung tûra Pathian nêna inlaichînna neih a pawimawhzia hrethiam tûrin pui ang che.

Sawi ho tûrte:

- ❶ Eng vângin nge mihringte hian keimahni duhzâwng tih hi nuam kan tih viau hlawm mai le? Eng tin nge Pathian duhzâwng tih chu nuam kan lo tih zâwk theih ang?
- ❷ Enga ti nge Pathianin thil min lo tihsak tawhte hi kan buaina tawn a kian hnu hian kan theihnghilh zui ve leh mai thîn? Eng tin nge chutianga kan theihnghilh mai thîn chu kan sim theih ang?
- ❸ Pathian duh dân anga awmna hian inpumkhatna a thlen ziah zêl kher em? Eng vângi thlen ziah emaw, thlen ziah kher lo emaw nge ni?
- ❹ Pathian nêna inzawmna neihna hmang hian eng tin nge finna awmzia kan hriat theih ang? Chu chuan thil tûl bîk eng emaw a awm chângte hian eng tin nge finna nei tûrin min puih thîn?
- ❺ Kan ni tin hna leh thil tiha buai reng chung hian eng tin nge Krista chu kan en ber a nih chhonzawm zêl theih ang?

RAHBI 4—Boruak siam rawh

ZIRTÏRTÛTE TÂN BÏK: Paula chuan Krista hi finna nêna inzawm tlat nia sawiin, Korin khuuaa ringtu awmte chu khawvêl miten thil âthlâk tak nia an ngaih—krawsa Isua thihna kha thlîr tûrin a fuih a. I class member-te khân kohhrana inthen hranna awm chin fel dân tûr Paulan a sawi hi a taka an hman ve theih nân tanpui ang che.

Tih tûrte:

- ❶ 1 Korin bung hmasa lam pali-te hi ngun takin chhiar la. Tichuan, kohhrana inṭhen hranna awm chin fel dân tûr Paulan a sawite chu fiah takin sawi chhâwng ang che.
- ❷ Khawvêl finna ni lovin, Isua nun leh a thihna zâwk kha kan thlîr ber a ni tih miten an lo hriat theihna tûrin lemchan tâwi phuah/ziak ang che.